

ARUWANUWEN MWIICHENAP, AEWIN MWIICH ATAPWANAPWAN

A SUUK ME FIIS WON MOEN IS. TRUK STATE F.S.M. NON ARRU

WANUWEN SEPTEMBER ENGOROU TIWEPUKU WANIK ME EW

NOPUNG No. 1-177

EW NOPUNG

A forata ew Social and Economic Development Authority fan asengessin Eorun Namoneas; fori ototun, tumunun, wisan, me nemeneman, me pwan ren ekkoch popun.

Epwe Pung me ren ewe Legislature-un Chuuk.

Tetten 1. Forutan ewe Authority. Ew Eorun Namoneas Social and Economic Development Authority iei a foruta non an epwe ew public cooperation fan pungun annukun Truk State me Federated States of Micronesia. Ewe Board non ewe Authority epwe wisen finata nenien ewe ofesin ewe Authority.

Tetten 2. Neni Epwe Ku Angangen Ewe Authority. Ewe Authority a foruta ren an epwe atufichi ekkei municipalities non Chuuk a mak fan:

1. Fefan;
2. Dublon;
3. Uman;
4. Tsis; me
5. Parem.

Tetten 3. Popun Forutan ewe Authority. Ewe Authority epwe ne-nengi ekkewe osupwang an ekkewe neni, ive seni an pusin tongeni ika seni an ekkoch, repwe angang me aninnis fongon me ewe Muun Chuuk me ewe MuuNap, pwan ekkewe pekin angangen pisinis an aramas ne afefeitai pekin angangen moni non ekkewe neni.

Tetten 4. Board of Directors.

1. Forutan. Epwe wor ew Board of Directors non ewe Eorun Namoneas Social and Economic Development Authority, epwe wisen tumunu nemenapei mwokutukutun ewe Authority.

2. Choon. Epwe ukukun 14, chon ewe Board. Ewe samon non ewe municipality me emon Council epwe finita me ren ewe Municipal Council non ew me ew ekkewe municipalities, usun a pwarata non Tetten 2, pwan unumon State Senators, emon seni ew me ew ekkewe unungat kinikinin uttut non Legislature me pwan ewe National Senator seni ewe kinikin.

3. Nangataman Fansoun Wis. Nangataman fansoun wiser ekkewe ra tupuni ekkewe municipalities epwe ukukun unungat ier, chonon sarak ewe aewin fansoun wis, me amasowan neni mei pon epwe fiti met a affat non ei Annuk. Fansoun poputan wiser kewe epwe poputa non ewe ran ra effat ar mwiich non.

4. Aewin Mwiich. Esap mang seni wone (60) ran me murin poputan pochokunan ei Annuk, ewe Board epwe efisi an mwiichen nepoputan ren an epwe finata noun nouwis, pwan fori met an angang mei auchea. Non an aewin mwiich, chon ewe mwiich repwe uttut (by lot) ren langattamen ar repwe choni ewe mwiich, epwe iei usun napanapen:

- (i) Nimon repwe choni ewe Board non ew ier;
- (ii) Nimon non ruu ier; pwan
- (iii) Fomon non unungat ier.

Ewe National Senator epwe wiser akokow ewe aewin mwiichen ewe Board, pwan wiser nemeni tori ekkewe nouwiis mei affat non kinikinin-Tetten (7) me non ei Tetten ra kefinita.

5. Neni mei Pon. Neni mei pon me non ewe Board epwe amasow usun chok pwan napanapen an finita me mwan. Nupwen fansoun a wor ew neni mei poon, ewe Chairman, nge ika pwe ese nomw, iwe iokewe ra wisan nemeni ewe mwiichen Board repwe wiser asain ngeni chon ewe Board me ekkewe municipal government mei weneitir ar repwe wiser ammasowa sefani ewe neni mei poon.

6. Touw.

(i) Chon ewe Board repwe tongeni touw seni ewe Board nupwen fansoun ar rese tongeni fiti mwiichen ewe Board fan unungat tettenino chok, ika seni ar rese tufich non wiser, rese fori angangen wiser ika fen foforingaw lon ar wiis;

(ii) ren an emon chon ewe mwiich epwe tongeni tou seni wisan, epwe ukukun unungat-na-ruwanuwen (3/4) chon ewe mwiich meinisin re-pwe tipeew non ar uttut. Porausen usun an emon epwe tou seni wisan epwe akkom for, esap kis seni inik ran me mwan ar repwe angang won, iwe epwe affat non annukun (by laws) ei Authority, epwe pwan affat meta sakkun tiipis ewe aramas a fori, ika pwan chon pwarata me

pisekin pwarata epwe pwan wor; pwan

(iii) ewe District Court non Chuuk epwe wisen non ren ewe pochokun ne eani ewe sakkun kapung. Nupwen fansoun a fis ewe State Court non Chuuk, iwe epwe ne eani ewe pochokun ne eani ewe sakkun kapung.

7. Nouwis. Ewe Board epwe finata seni monun ewe mwiich, emon Chairman, Vice-Chairman, me Secretary-Treasurer. Ewe Chairman epwe wisen nemeni mwiichen ewe Board nupwen fansoun mwiich. Nupwen an ewe Chairman ese nonw ewe Vice-Chairman epwe wisen nemeni. Nupwen ir me ruomon rese nonw ewe Secretary-Treasurer epwe wisen nemenem. An ei Authority annuk ika bylaws epwe pwan affata io epwe wisen nemenem nupwen ekkewe nouwis rese nonw.

8. Mwiichenap. Mwiich epwe fis esap kis seni fan ew non iteiten kuachen ier, fansoun me nenian mwiich epwe finita seni ewe Chairman, napanapen akokkoon mwiich epwe affat non annuk (bylaws).

9. Mwiich Atapwanapwan. Mwiich atapwanapwan mei tongeni chok akko me fis me ren ewe Chairman, ika pwan seni chon mwiich fiti tipeewin ukukun ew-na unungaten (1/3) chon mwiich non ar tungor, napanapen akokkon ei sakkun epwe affat non annuk (bylaws).

10. Ukukun Chon Mwiich A Tongeni Fis Mwiich. Epwe ukukun onomon chon mwiich repwe nonw iwe a tongeni fis ew mwiich.

11. Executive Committee. Ewe Board mei tongeni fan pungun an Annuk, forata ew Executive Committee, chon ewe mwiich me pwan sakkun ar angang.

12. Rekotun Mwiich. Meininis an ewe Board me ewe Executive Committee mwiich epwe suuk ngeni aramas ese nifinifin, chinoon chok ika pwe mei wor mettoch mei monomon porausen emon. Ewe Secretary-Treasurer, ika fansoun ese nonw, emon chon ewe mwiich epwe finita seni annukun ewe mwiich, epwe wisen tumunu unusen porausen ewe mwiich nupwen fansoun mwiich, iwe epwe mumuta an aramas repwe katon non ese nifinifin fansoun me neni, usun met annuk a apasa, chinoon chok mettoch mei monomon ren porausen emon.

Tetten 5. Pochokunan ewe Authority. Ewe Authority, fan mwokutun ewe Board of Directors, epwe ikkei an pochokun, wisan me an angang:

-
1. Nengeni ekkewe osupwang ren pekin moni tonong, pwan me napanapen ach nonomw non ekkewe neni ei pekin angang a wisan tumunu, iwe pwan nengeni metekewe orunien ekkewe neni;
 2. awora atoot ren met mei auchea ren afeifeitan ekkei pekin tufich mei pwsin wor won punun me setin ekkewe neni;
 3. kut moni seni menni pekin mei tufich ren an epwe atufichi ekkewe angang me atoot;
 4. fori ekkewe program me projects mei auchea ren an epwe fis me tawe ekkewe atoot epwe katou non napanapen contract ngeni ion epwe aani, ika non pusin mwokutun ekkewe chon angangen ewe Authority, ika non meni aan ewe Board a mefi pwe mei murino;
 5. awora emon Executive Director me emon Budget me Finance Officer, iwe pwan fori annukun nangatamen angang ren ekkoch chon angang pwan awora ekkoch chon angang seni meta annuk a apasa, ika seni an we Board mefi pwe mei auchea, ren an epwe fisiokh ewe Authority angang;
 6. fan pungun annuk, epwe kut me angei fonu, property, neni ika met interest mei wor non ekkewe ekkoch pisek; epwe isoni, tumunu me aea ekkewe fonu, pisek, neni; me pwan tongeni amomo, ika mutata an epwe chok kamo nupwen aea, ika dispos-uni ekkewe mettoch nupwen fansoun ewe Board a mefi pwe mei mwirino ngeni an angang;
 7. forata, tumunu, amokutu ika fori met sakkun angangen sopai epwe tongeni afisata ekkewe'popun ewe Authority a mwochen; pwan angei mon ekkewe angang, iwe ekkewe moni mei tonong epwe nom non monienapen ewe Authority;
 8. fori pwan eani ekkoch kontrak, ika pwan fori ekkewe sakkun atipeew ren pekin angang epwe namot ngeni ewe angang, me pwan ekkoch napanap a mefi pwe epwe mwirino;
 9. epwe tongeni paro moni non ekkoch fansoun, nge an ewe Authority kewe niwinimang esap pwan an ewe Muun Chuuk ika an kewe kinikinin, pwan met monien me pisekin ewe Muun Chuuk me kinikinin kewe esap pwan tongeni aea ren kamusen an ewe Authority niwinimang,

chinoon chok ika pwe mei a-fat non annuk;

10. awora pwan angei niwinimang, fees me pwan mon pisek mei kamono, me non angangen ewe Authority, nge esap wor moni tonong seni ei angang epwe ew napanapen takisisi aramas, takisisi chon aea ekkewe pisekin muun ika ekkewe pisek mei wor winan seni angang forien ewe Authority nukun chok ika pwe mei mumuta seni annuk;

11. fori, fiti pungun annukun ewe Authority ekkewe meinisin mettoch mei auchea ika namot ngeni poputan an angang;

12. fori ekkewe ekkoch angang me eani ekkewe sekining mei namot ika murino ren fisiochun an kewe angang me wisan mei affat me ren annuk; pwan

13. apungano an by laws, an policies me procedures ren mwokutun angangen pusin ewe Authority.

Tetten 6. Kapung me Tupun non Kapung.

1. Ewe Authority a tongeni kapung ngeni emon non pusin itan, me emon a tongeni kapung ngeni; nge mettoch ika niwinimang an ewe Authority nupwen ese fori an ewe Muun Chuuk angang, iwe esap ewe Muun Chuuk epwe eani ewe sekining; pwan

2. ewe Attorney General non Muun Chuuk epwe wisen tupuni pwan anisi ewe Authority non pekin mettoch mei fiti annuk, chinoon chok ren met mei wor an conflict of interest won, ika met mei wenengeni.

Tetten 7. Nemenem.

1. Ewe Authority, a ngeni ewe Board an epwe angei, annomu me atou moni ika pisek mei kawor ngeni ewe Authority seni ekkoch pekin angang. Ewe Authority mei tongeni aea napanapen an Muun tumunu noun taropwen moni, ika pwan ekkoch sakkun napanapen tumunun taropwen moni mei foruta seni annuk ren pekin angangen kompeni; pwan

2. ewe Authority mei tongeni kamo an pisekin non offes, pisekin angang me ekkoch sakkun pisek, seni an pwisin napanapen kamo pisek ika an muun, ika menni chok sakkun napanap epwe weweoch.

Tetten 8. Budgetin Year. Ewe Board epwe fori pwan atononga an ewe Authority budgetin Fiscal Year, non napanap mei affat me non Annuk. usun mei fis ren ekkewe putain non Muun Chuuk nupwen ar fori pwan atononga ar budget. Ese mumuta an epwe katou me noundou moni won ukukun a napseni mei ukukun mei kavor iwe ei napanap ika e fis mei tongeni tipis usun chok met napanap mei fis ngeni Muun Chuuk.

Tetten 9. Executive Director. Epwe wor emon Executive Director non ewe Authority, epwe finita seni ewe Board, pwan nom fan an ewe Board nemenem. Ewe Board epwe wisen fori niwinin ewe Executive. Ewe Executive Director epwe wisen tumunu angangen ekkewe programs me projects me pwan met angangen ewe Authority, epwe pwan tongeni atononga, nemeni me atou chon angangen ewe Authority, fiti pungun me annukun chon angang ewe Board a forata, nukun chok meta a apasa non Tetten 10.

Tetten 10. Budget me Finance Officer. Ewe Executive Director epwe wisen finata emon Budget me Finance Officer, fiti tipeeun ewe Board iwe ren napanapen ewe wis epwe affat non annuk. Ewe Budget me Finance Officer epwe wisen angei pwan atou monien ewe Authority. Mwan an epwe ne fori wisan kewe, epwe akkom fori ew monien pwon non wisan we won ukukun esap kukkun seni \$10,000 ika watte seni ei ukukun epwe foruta me ren ewe Board. Ewe ukukun monien pwon epwe for me ren ew ika chommong kompanien fori ewe sakkun, ir mei mumuta ar repwe fori ar pisinis non Federated States of Micronesia; iwe napanapen taropwen epwe kapunguno seni ewe Attorney General non Chuuk. Ewe Budget me Finance Officer epwe fori wisan fan nemenian ewe Executive Director.

Tetten 11. Taropwen Moni. Ewe Board me ewe Executive Director repwe nochchei fongoni an ewe Budget me Finance Officer epwe tumunfichi taropwen me puken moni ren an epwe affateoch moni tonong, moni tou, pisekin, me monian. Ewe Board epwe fori an repot ngeni ewe Governor me ewe Speaker-un Legislature, esap mang seni wone (60) ran me mwirin an saponu ewe Fiscal Year, non an iwe repot epwe affat meta ewe Authority a fori non ewe ier, ifa usun mwokutukutun non ei ier, pwan met kan ewe Board a mepi pwe mei mwirino an epwe repotuni. Ewe State Auditor, ika pwe ese wor emon, ewe emon Accountant mei wor noun naisen ren pekin checkin taropwen pisinis, epwe finita seni

ewe Board, i epwe wisen cheki ika ngeni taropwen ewe Authority iteiten ier, iwe epwe repotuni meta a kuna non an we chek ngeni ewe Governor me ewe Speaker-un Legislature.

Tetten 12. An ewe Authority Takisis. Fiti met a tufich ren ewe pekin fori annuk non ewe Muun Chuuk a tongeni awora, ewe Authority ika ewe angang epwe pwan ew ekkewe pekin angangen muun, iwe epwe kapichino an esap takisis, usun chok ew ekkewe kinikinin angangen muun, ren met an angang e fori mei usun chok ew angangen muun. Ren met an ewe Authority angang a usun chok ew angangen sopai ika pisinis, ewe Authority epwe nomw non tettenin ew angangen sopai esap fan iten kutta wiin.

Tetten 13. Annukun Chon Angnag.

1. Ewe Authority epwe pwisin forata an annukun me nap-anapen tumunun noun chon angang, epwe sakkono seni ewe Annukun Chon Angang non Chuuk. Ewe Board mei tongeni fori an tungor ngeni ewe Governor, ren an epwe pwan pachenong non pachokunen ewe Annukun Chon Angang non Chuuk fan asengesin noun chon angang; nge, ika pwe ewe Authority a mochen pwe epwe pachenong non ewe Annukun Choon Angang non Chuuk iwe ewe Board mei tongeni finata ekkoch sakkun wis a mefi pwe repwe kapichino seni ewe annuk;

2. meinisin chon angangen ewe Authority, pachenong ewe Executive Director me ewe Budget me Finance Officer, ika pwe ir mei piin nomw fan pochokunen ewe Annukun Choon Angang non Chuuk me mwen ar tonong non angangen ewe Authority ra tongeni chok sopweieno ar kewe tufich me pung nupwen ar angang ngeni ewe Authority;

3. ewe Board, mei tongeni assain ngeni noun ekkewe chon angang tetenin niwin repwe niwinini me ekkewe sakkun tufich repwe eani mei anongonong won met ar angang ir mei piin ani non muun me mwan; pwan

4. ewe Muun Chuuk epwe awora ngeni meinisin chon angangen ewe Authority me mwan me ekkewe ita ururun repwene tow, ekkewe rights ir mei tufich ngeni ika pwe re angang ngeni ewe Authority, usun chok met ekkewe rights ir mei tongeni angei ika pwe ir ekkoch

chon angangen ewe Muun Chuuk ika Muun Trust Territory.

Tetten 14. Esinesin Ngeni Muun Fonu Usun Public Projects. Ewe Authority epwe achocho ne asine ngeni ekkewe municipal government ika muun fonu ekkewe projects epwe no-ngenir non chok muttirin fansoun mei tufich, iwe epwe pwan sopeno ne akkasine ngeni unusen aramas met porausen ekkewe projects ren met akkasiwin mei wor non ar atot.

Tetten 15. Kuten Fonu me Aninisin Kuten Neni.

1. Nupwen fansoun ewe Authority a mwochen an epwe aea fonuen ika nenien aramas, iwe epwe chok fiti met napanapen aea mei affat me non Sopun 16 me 17 Itenap 67 me non ewe Trust Territory Code. Ewe State Government epwe wisen eani sekining ne kut fonu me neni; pwan

2. ewe Authority epwe mwittir asinei ngeni ewe State Government fansoun a mwochen aea ika angei fonuen ika nenien aramas ika fonuwen me nenien ewe State, ika ewe Public Land Authority. Epwe affat non ewe taropwen asinesin iten me meni fonu ika neni epwe aea, popun an epwe aea, nangattamen fansoun an epwe aea, siwinin ika pwe ese fis ewe mochen, me pwinin maram fansoun epwe poputa aean ewe neni ika neni. Ewe State Government epwe wor an pung won meni fonuen aramas ewe Authority a angei ika aea, nukun chok ika pwe mei wesewesen affat non annuk.

Tetten 16. Kaworen Moni. a) Ei ukukun \$25,000, ika fite ukukun epwe tongeni naaf, iei a kawor seni ewe Monienapen Legislature ren fan asengesin monien me niwinin mwokutukutun me angangen ewe Eorun Namoneas Social and Economic Development Authority. Ei ukukun moni epwe no-ngeni ewe Eorun Namoneas Social and Economic Development Authority, ewe epwe wisen tumunu mwokutukutun ei moni ren an epwe chok fiti met mei affat non ei Annuk. Met moni esemwo it ne nounou nesoponoon ewe Fiscal Year epwe niwin sefaan ngeni ewe Monienapen Legislature-un Chuuk; pwan

b) Ewe Eorun Namoneas Social and Economic Development Authority epwe awora an repot ngeni Legislature me mwen April 15, 1982, epwe affatatiw:

1. Tichikin porausen nounoun ewe moni mei kawor non Tetten 1, pwan affatatiw ukukun nussun mei wor non April 1, 1982;

2. anapanapen an ewe nussun moni epwe nounou non nusun ewe Fiscal Year, nge och sotosopun repot won ewe nussun moni epwe pwan kawor nefinen 20 ran me murin soponon ewe Fiscal Year ngeni ewe Legislature ika ew Committee mei finita, epwe affatatiw napanapen nounoun me mwokutukutun ewe nussun moni; pwan


3. met anapanapen moni epwe kawor ren ewe Authority non Fiscal Year 1983.

Tetten 17. Poputan Pochokunan.


a) Tettèn 16(a) me non ei Namopung epwe poputa pochokunan non October 1, 1981, ika atun an pusin winiti annuk nge esemwo pwan kapunguno; pwan

b) ei Namopung epwe poputa pochokunan fansoun an kapunguno me ren Kepina, ika an pusin winiti annuk won winikapan.

Sain seni:


Tadashi C. Wainit, Speaker
Truk Legislature


Annetata:


Datasi Albert
Legislative Clerk/Secretary
Truk Legislature

Pwinin maram:

October 26, 1981

A Kapunguno seni:


Erhart Aten, Governor
Truk State Government

Pwinin maram:

November 3, 1981